



UNIVERSITÄTS-
BIBLIOTHEK
PADERBORN

Universitätsbibliothek Paderborn

Historia Provinciæ Paraquariæ Societatis Jesv

Techo, Nicolas

Leodii, MDCLXXIII.

Cap. 17. De legatione Ludovici Valdiviæ ad Regem Catholicum.

urn:nbn:de:hbz:466:1-38528

que superstitionis ab Barbaris adorari perspexit, ad conciliandam maiestatem Sacerdotali veste induitus, & manu Crucem præferens, acriter arguere sacrilegos ausus, effecit ut omnes flexo-genu pro Luna Crucem adorarent, & mensis proxime sequentis novilunium facere omitterent. Sed bona principia inconstantia mox corrumpabant, & aliquantulum spem frustrabant perversitate animi. Anno integro in his rebus posito, rumor apud Hispanos invaluit, Guaicuræos de mandatis Sociis consilia agitare: quocirca multi revocandos censemabant: sed Romanus frequentibus litteris à Majoribus suis postulabat, ne se periculo subtraherent. Jussit tamen Prætor, post unius anni frustra impensum laborem, tantisper loco cedere, ne Guaicuræi, occisis Patribus, desperata venia negotium urbi rebellando facerent.

DUM hæc in Paraquaria geruntur, Ludovicus Valdivia ex Hispania, quod libertatis Indorum afferendæ ergo, ante quinquennium navigaverat, cum subsidiariis Sociis redire nunciatur: quod nuncium vario partium affectu acceptum, magnis motibus multorum animos concussit. Res è fonte petenda est. Reges Catholicæ in Chileno regno, multis Diplomatibus, vexari Indos & nimis servitiis gravari, sapè inhibuerant. Verum cùm ob intervallo locorum, & mali obstinationem, incalsum reciderent optimorum Regum mandata, Peruviæ Prorex Comes Montium-Clarorum, cognito quod nec apud Indos amicos, nec apud hostes, per Chilenum regnum Fides Christiana propagari posset, nî ea servitia abolerentur; Ludovicum Valdiviam, qui cum rebellibus Chilenis fide publicâ agitaret, in Hispaniam amandaverat, ut turfum & solidè extremæ calamitati supraemæ potestas intercederet. Alia causa mittendi fuit, ut bellum, quod Hispanus cum Chilenis rebellibus atrox & diuturnum gerebat, tandem finiretur, dareturque locus ferocissimæ genti ad Christi partes traducendæ. In quas res Philippus Tertius, Rex Catholicus, pacis artibus clarissimus, & suopte ingenio ad sublevandos Indos propensissimus, litteris Proregis præventus, Ludovicum Valdiviam in Hispaniam & aulam appulsum monuerat, ut liberè diceret. Is regio favore ulus, datis Regi gratias, quod severas leges in Indorum vexatores sanxistet, novas querelarum causas explicans, in hunc fermè modum fertur differuisse. Si, inquit, ô Rex, vera volumus noscere, Chilenses bellum, injusta servitia Barbaris imposita, repugnantibus progenitoribus Tuis, magna ex parte fecere: haec tenus eorumdem servitorum metu, sine spe exasperata gentis aliquando per vim domande, cum intolerabili imperii tui & Christianæ Religionis detrimento, bellum continuatur, continuabiturq. nî vexari desinantur ii, qui vexationis pretextu rebellarunt. Singulis annis ex arario tuo trecenta aureorum millia in Chilensis belli sumptus computantur, & haec tenus per sexaginta annos nihil effatum, nisi ut lugeremus præcipuas Hispanorum colonias susque deque eversas, ditissimas aurifodinas crepatas, florem Hispanæ nobilitatis decerpimus, Loiòlam Prætorem Regium (ut alios ejusdem dignitatis taceamus) in ultima rebellione fæde trucidatum, clarissimarum stirpium faminas puellasq. in servitutem & scorta abactas, Hispanos ad pauculas urbes & castella redactos. Sed hæc alii narrabunt fusi, ego pro instituto meo animarum jacturam lugeo, nec ferre possum tot matronas puellasq. Christianas inter Barbaros ritibus profanis affuescere: tot millia hostium sine spe salutis esse; Indos amicos fermè omnes ob vexationem pertinaciter Fidem Christianam respuerere. Ad reprimendos ferorum hominum animos nihil ad id tempus juvit aut Peruviæ argentum, aut Hispaniæ ferrum. Frustra Prætores selectissimi domi militieq. exercitatissimi vires & industriam exeruere: per tot annos armis offendisse exasperatos nihil profuit. Igitur in tantorum malorum remedium non aurum, non milites, non auxilia postulo. Quod reliquum est, ô Rex, Clementiam Tuam, quâ utrique Orbi affulges, appello, supplexq. peto, ut videas, utrumq. Reipublicæ bono sit, beneficis ultrò oblatis, obstinatam gentem ad Tuum obsequium allicer, allectamq. Christianis moribus imbuere. Si periculum obtendatur, en caput meum, & Sociorum meorum, cuivis discriminis pro pace regni nobilissimi, & amplificando imperio tuo, & pro animarum salute devoveo. Placuit Regi Oratio: quare habito Senatus-consulto decretum ex mente Valdiviæ, ut bellum Chilenum ex parte Hispanorum ad meram defensionem reduceretur,

Socii retrahuntur è Calequiana valle.

CAPUT XVII.
Delegatio
Ludovici
Valdiviae ad
Regem Ca-
tholicum,

Regum Ca-
tholicorum
in Indes
pietas.

Philippi Ter-
tii laus.

Oratio Val-
divia.

Belli Chilensi
damna.

Clementia
Regi impli-
catur.

duceretur; si ultrò hostes offenderent, bellum bello repellerent. In injusta servitia severè animadverteretur. Duodecim de Societate Patres per Hispanorum præsidia in rebellium finibus, sumptibus Regiis, alerentur, qui amicos indigenas in officio continerent, prohiberentque fieri injurias, & hostes ad partes Christi Regisque allicerent. Difficilis erat hæc provincia, exigebatque hominem magnanimum æquè ac prudentem. Quamobrem Rex, cùm magna virtutis specimen ex patris Valdiviæ dictis & fama cepisset, cum huic negotio præficiendum censuit; quod ut majori autoritate administrareret, Episcopum Chilensem creari volebat, quo ob instituti nostri rationes, & Ludovici Valdiviæ modestiam, non impetrato, eum saltē per Chilense regnum Regiorum negotiorum, ad sublevandam Indorum vexationem, Visitatorem, ut vocant, & pacis arbitrum, Episcopatumque administratorem, suffragante per litteras Claudio Aquavâ, ampla cum potestate constituit. Scilicet anti verò Regi, quis vir regendo Chilensi regno eâ tempestate idoneus videretur, Valdivia respondit, Alfonsum Riberam Prætorem suæ restituī posse, quod in eo homine belli artes, agendi dexteritas, & oblectans difficultatibus animus eminerent. Datum acceptumque consilium est, & Ludovicus Valdivia, cum auxiliiorum Sociorum manipulo, sumptibus Regiis, in Americam renavigavit. In Peruviam appulsi, Proregem, prout in mandatis habebat, de Senatus-confulto docet; cui cùm non repugnaret, celeri navigatione ad Chilense regnum, quod Didacus Torres & Alfon-sus Ribera Prætor se conculcabant, tevehitur.

CAPUT

XVIII.
Ludovicus
Valdivia
finitos
populos re-
belles Regi
Catholico
conciliat.

Valdivia
subsidarios
differt.

Ad robelles
pergit.

Cum iù col-
loquitur.

Ad pacem
inclinat.

MAGNUM erat Ludovici Valdiviæ apud Chilenos nomen, tum ob propriam virtutem, tum vel maximè quod obstacula Indorum saluti opposita omni ope amovere contendere. Sed ob eam rem, tam sibi infensos Indorum vexatores, quam amicos Barbaros experiebatur. Ubi ergo fama percrebuit ad Conceptionis portum appulisse, Indorum Domini non ignari corum, quæ ab Rege Catholico, eo admittente, decreta fuerant, variis modis obstrepuere. Sed ille rumores ante salutem Indorum habere, leve astimans, accepta à Didaco Torres per litteras Vicariâ potestate, advectionis Socios circa rebellium fines in Hispanorum præsidii constituit; & communicatis cum Alfonso Ribera Prætore consiliis, adventus sui, & terum abs se in Hispania gestarum, famam apud hostes per captivos, ad id dimissos, longè latèque spargit. Quibus rebus cognitis, illicò Cataraminæ vallis incola rebelles nuncios ad eum misere, postulantes, ut, si vera essent quæ nunciabantur, vellet ipsè cum gentis Primoribus de pace colloqui. Non abnuit Valdiviæ, nulli non periculo, pro bono gentis, caput suum exponere promptus. Datâ utrimque fide, ex Araucana arce (ubi interim Venerabile Sacramentum pro sua in columitate & felici rerum successu exponi voluit) ad hostium confessum properat. Quinquaginta Ullmeni (sic gentis Primores vocant) ex Araucana, Tucapelana, & Purena valle montibusque nivosis, omnino convenerant, & aderant militiæ Duces cum armatis cohortibus. Ad quos longam de Regis Catholici clementia, & laboribus abs se suscepis, habuit Orationem, cuius summa hæc est. *In Chilensi Regno, inquit, soli animarum saluti intentus, nullorum corporibus haec tenus noxius, pacè consensu, nihil satius habens, quam si unius Dei cultus omnium cordibus insinuaretur.* Cum verò multa huic rei obstatre viderem, nullum lapidem non movi, quo obstacula amoverem. Bis in Peruviam, semel in Hispaniam vestrâ causâ navigavi, non sine operâ pretio. Nam Rex Catholicus, vestrarum animarum jaclura condolens, prateritarum injuriarum oblitus, totus in eo est, ut utrumque inutili bello etiam cum aliquo autoritatâ sua dispensio finis imponatur. Id ut etiam velitis, per vestras armatas cohortes in hoc hostile solum solus & inermis rogatum venio, spondens, Regis Catholici nomine, si pax placet, neminem externis servitum. Finita Oratione, cùm per interpretem legi jussisset Regis litteras, & exposuisset pacis commoda, bellique mala, necnon ingentia quæ ex verbi Dei auditione ac Christianis præceptis bona percipiuntur; atque adeò suam Societatisque operam, ad eos in Fide instruendos, & ab vexationibus defendendos, multis verbis obtulisset, ita omnium animi commoti sunt, ut plerique cum lacrymis ejus dexteram oscularentur, affirmantes, si belli cause præscinderentur, Regis

Catholici